

三朝要典後序

是

三朝要典者。乃我

皇上遙追

先德。爰



三朝身具 卷八
命儒臣。編輯成書。特

錫以嘉名者也。書曰。天敘有
典。明此典爲天之所敘。
而

皇上卽天也。則敘之固惟我
皇上。又曰。辭尚體要。蓋辭繁
則淑慝之衡不定。惟體
要爲可持。然則今日欲
定是非而光

慈孝。信非提要不可。書旣成。

三朝要典 後序 二
皇上親灑

宸翰。冠於編端。

謨訓輝煌。千古王言。莫敢望
焉。臣秉謙猥以黥淺備
員首弼。欣睹

垂憲芳摹。愧未能揚萬分一。
茲復欽承

休命。俾臣等恭題簡末。臣敢
不稽首颺言。臣竊惟談
家法於我

朝。蓋不啻金玉式而美善
備矣。據臣所親見。則莫
盛於

皇祖之升日恒月。泰平四紀
興歌。而注意尤先

國本。又莫盛於

先帝之解雨巽風。善政千秋
爲烈。乃哀慕遂至不延。
可不謂

止慈

三朝要典 後序 四
止孝。天地爲昭哉。我

皇上聖神纘緒。承

玉几以傳心。顧

瓊宮而增惋。

構堂之思方切。骨肉之愛

彌周。令臣下能將順其

美。軼堯駕舜。且未足言。

而奈何有三案紛紛。特

爲功名一念所使耳。夫

功依事而立者也。名附

三朝要典 卷之五
實而彰者也。無事而欲
有其功。無實而欲有其
名。捕風吠影。鱗

宮闈虧

聖德善類之驅除殆盡。風波

之連蔓相尋。有臣若此

國是何繇定乎。天牖

聖衷爲綱常主。正論荷

賜環之詔。邪說挂

斥幽之條。

朝廷於是。是有賞罰。天下於是有是非矣。但一世之維存乎法。萬世之信存乎史。所爲開館纂修。刻期責竣者也。臣不敏。領其役。伏莊誦

聖諭曰。卿等須同心協力。研精殫思。採集周詳。持議明覈。煥煥

天語。固明示以司南之藉。惟

是

三朝之議論久紛。一家之權
衡未確。臣與同事諸臣
約。勿徇一人。亦勿枉一
人。勿遺一事。亦勿增一

事。惟當因人立斷。據事
直書。而諸臣亦各仰體
聖心。竭其蒐羅。加以筆削。事
關三案者。雖片語而必
存。其不相涉者。不煩稱

以傷體。蓋執筆時。儼有
在天之靈。與

皇上明威臨其上。也是書成。

而

三朝之浮誣盡消。一代之芳

模不朽。

父

子

君臣各安其位。人心風俗咸
底于醇。言約而義則該

辭嚴而指更遠。稱爲要
典。豈虛哉。然皆仰仗

聖明指授。臣何力之有。臣又

思

皇上作是書。夫亦使爲臣者。

著于無偏無黨之義慨

自三案起而黨

著于無偏無黨之義慨自

三案起而黨禍滋濁亂

朝綱者幾十載今

堯舜在上化偏黨爲蕩平政

在此日臣荷

三朝隆遇。毫無補塞。惟耿耿
孤衷。獨信獨持。不敢稍
有攀植。以戾

明訓。尤願諸司百執。寧守經
而砥節。毋蹈險而徼功。

寧疊疊循循。貽

國家以平康之福。毋嗷嗷
悻悻。使其身標烜赫之
名。何也。典者。天之典也。
棄典。卽棄天。天必震之。

三朝要典 後序
皇上既體天垂教。諸臣當奉
天不違。故臣敢於要典
篇終。闡無偏無黨之大
義。與諸臣同黽勉。亦以
竟編中之意云爾。

光祿大夫左柱國少師
兼太子太師吏部尚書
中極殿大學士臣顧秉謙
謹序

三朝要典後序

我

皇上

光宅丕基。

覲揚

三朝要典 後序 十四
先烈。頃者以

三朝慈孝。昭示中外。

命儒臣摭輯

詔令章奏。次第編纂。立斷案

晰是非。仍

命臣等論讐。裁定。

賜名

三朝要典。書成。

上親灑

宸章。冠諸篇首。臣立極躬逢

盛事。謹拜手稽首而颺
言末簡。竊惟國于天地。
必有與立。綱常而已矣。
綱常所以萬古不毀者。
有大權焉。一人操之天

下信之。卽有亂臣。不得
以營私。奸命而天下治。
故敦睦克諧。樹極于堂
皇。而時雍風動。翔洽乎
天下。君臣同德。疑信兩

忘。蕩平渾噩。此極治之象也。代之季也。主權旁落。而誕信相傾。亂賊接踵。聖人有憂之。故春秋作焉。春秋者。誅遺姦。闡

幽貞。定猶豫。斷是非。非孔氏之書。蓋天子之權也。而三綱以明。九法以敘。若是乎。權之不可一日無者也。恭惟我

太祖高皇帝。

乘權御世。敦典庸禮。命德
討罪。而尤垂訓于

家法。首著孝慈錄。以風示
天下。天下象之。繇而不
知。穆然唐虞之際矣。

列聖相承。

繼志述事。扶綱植紀。二百
餘年。太平之盛。將遞億
萬世而無極。至我

神宗顯皇帝。

英睿天縱。太阿獨持。

元良蚤建。

大本以端。偶一妄男子。闌

入

宮門。幾致大獄。

慈寧一召

天語煌煌。羣喙以息。其止慈
可信也。我

光宗貞貞皇帝

三朝要典 卷一百一十五 後序
茂齡踐祚習練

朝章。一月之間。而疏壅沛
膏。

善政如流。乃孺暮哀毀。膏
育以中。操藥以進。其色

焦然。亦臣子之不容已。

令德考終。其止孝可信也。我
皇上以

冲聖之姿。當鼎新之會。

父子授受。

三朝要典 卷一百一十五 後序
三

三朝要典 卷之三
後序
憑几遺言。堯舜如在。其無垂
簾並后之謀。可信也。乃
挺擊紅丸移宮之說。何
爲者。構

宮庭骨肉之嫌。爲富貴功
名之地。假嘗藥卻坐之
事。恣傾危媒孽之謀。一
唱衆和。煽惑聽聞。黑白
混淆。東西易位。將
兩朝慈孝之名。

三朝要典 卷之... 後序
皇考令終之譽。及我

皇上尊崇

遺妃篤厚

弟妹之徽猷懿燾。幾且不
白于天下。嗚呼。此所謂

蒙首惡之誅者也。

天聰所徹。

聖斷以彰。立剖羣疑。獨標真
是。俾嘉言罔伏。公論翕
然。

威福在握。而天下晏如。海
內喁喁。頌

明明后矣。

皇上猶汲汲焉以成是書者。
蓋彰瘝行于一時。是非

垂之萬世。繁言淆亂。則
疑以滋疑。方冊可徵。則
信以傳信。試一披覽間。
時歷

三朝事。綜三案。編年紀事。綱

舉目張。貞邪較若列眉。
法誠燦于指掌。於都哉。
直與堯舜之典謨。孔氏
之春秋。論烈比隆。而

先朝明倫大典一書。所爲易

世合符者矣。然

大典之所明者。倫也。倫萬
古以爲昭原。非曲學隅
見所能終晦。今卽不明。
後當有明之者。若乃

宮闈邃密之地。幾微疑似之間。邪說橫流。孰分真贗。不從耳目所覩記者。炳丹青。揭日月而行之。安能令遐陬僻壤。百千萬禩之後。曉然明白。無所疑惑也。倫以彌綸天地。故稱大。而是編所紀則

三朝之盛德。令名繫焉。故稱

要。總之有典有則。以詒
訓來茲。則

先聖

後聖其揆一耳。嗚呼。一字是
非。千秋衮鉞爲人臣子

當敦典綏猷之世不精
白乃心以仰承

休德。對是編能無汗慄。故曰
爲人臣者不可不知春
秋

光祿大夫太子太保禮

部尚書兼

文淵閣大學士臣黃立極

謹序

三朝要典後序

三朝要典既成。

皇上親御

宸翰弁其端。輔臣各序其後

臣銓至愚極陋。備員

綸扉得仰窺

聖孝與夫當世得失之林。宜
有一辭綴末簡。謹拜手
稽首颺言曰。自古世道
之治亂。以人心爲徵。人

有恒性。循其恒。則安安
則治。失其恒。則變。變則
紛紛。則飾無以爲有。張
小以爲大。標榜其形似
以亂真。徵逐其機權。以

三朝要典 卷之三 後序
竊功名富貴。至有冒不
韙而弗恤者。噫。此聖人
所以作春秋也。後世見
春秋誅罰之筆。大書特
書。不一書。辭嚴義核。而

不知皆所以行孝經之
意。而佐德教之不逮。故
聖人曰。吾志在春秋。行
在孝經。孝經者。詔萬世
以恒。春秋者。維一時之

變。夫惟不恒而後有變。
使人人率其恒性。君君
臣臣。父父子子。其有不
若者。司敗操三尺繩。其
後。天下不長享無事哉。

盖三案之興。

國家一大變也。我

神宗顯皇帝。

魁柄獨操。

元良首建。

三朝要典 卷之... 後序 三十一
天地

祖宗實式憑之。

慈孝天性。何煩調護。而居妄
一男子爲奇貨。不亦詭
乎。我

光宗貞皇帝。憑玉几。導揚末
命。因哀得疾。

聖德考終。媿政芳猷。千秋共
仰。而致謗于藥。不亦誣
乎。宮待

命而後移禮也。我

皇上子承

父統。何藉人爲。無端造垂簾

之說。以貪天功。上負

先皇。下虧臣節。不亦忍而肆

乎。蓋倡者借

國難以營私。不顧置

君父於何地。和者蓄墨兵於

胸臆。必欲令善類之一

空。

天地日月宛然而狐嗥狎噬
恬不爲怪。真古今所未
有矣。

皇上神聖聰明

孝存繼述

毅然乾斷。舉從前邪穢之習
一日滌除。嘉與天下更
始。正人君子。次第升庸。
儉類孔壬。後先投北。而
猶謂不臚列。不足以垂

三朝要典 後序
鑒。不昭布。不足以行遠。

爰

採庭議。

命史臣昉我

世宗肅皇帝明倫大典纂輯

爲書。

錫名

三朝要典。凡五閱月而告成。
事。條分縷析。綱舉目張。
得失之故。燦然明備。以

稱曰要聲實符矣。臣竊
惟

皇上之要典。不特可以繼春
秋之絕筆。而併可以繹
孝經之微言。何者。春秋

刑書也。其德爲夫其道
爲權。故讀之而亂臣賊
子懼。孝經。生理也。其德
爲萃。其道爲恒。故讀之
而忠臣孝子感。名雖異

而實則互相發明者也。是書出。可以見彝倫名教之在人心。不可磨滅。雖魑魅魍魎之徒。號召羽翼。欲顛倒一時之是非。而不能遁形於覘見。雪消之後。又以見

本朝家法。慈孝相承。美善全備。雖當時事倥偬之際。而原無絲毫纖芥之可

疑。至于勒正論者。雖獨
不遺。附邪說者。雖衆必
擯。嚴而不漏。核而有體
微顯闡幽。光昭

令德誠

聖子神孫。億萬年道揆之矩。
亦羣工兆姓。千百世法
守之資。謂

皇上之春秋。可謂

皇上之孝經。亦可也。擴而克

三朝要典 卷之八 後序
之。卽二帝三王治天下
大經大法。當不外是。

在天之靈。其欣慰而無怨恫
矣乎。臣銓幸從輔臣後
兼總史事。繙閱之餘。雅
得要領。因述其梗槩如
此。若我

皇上仁孝之性。明武之資。夙
出今古。臣雖連篇累牘。
亦無後蚤蝨測萬一矣。

三朝要典 卷八 禮部
光祿大夫太子太保禮

部尚書兼文淵閣大學

士臣馮銓謹序

